



Na osnovu člana 72. Zakona o carinskoj politici u Bosni i Hercegovini ("Službeni glasnik BiH", broj 58/15) i člana 25. stav (2) Zakona o Upravi za indirektno oporezivanje ("Službeni glasnik BiH", broj 89/05), direktor Uprave za indirektno oporezivanje d o n o s i

NAREDBU
o nadležnosti carinskih ispostava za carinjenje
određenih vrsta robe porijeklom iz azijskih i afričkih država

1. Ovom naredbom određuju se carinske ispostave nadležne za carinjenje određenih vrsta robe porijeklom iz azijskih i afričkih država, određena postupanja i izuzeća.
2. Roba iz glave 42, 43, 58 do 67 i 95 Carinske tarife Bosne i Hercegovine, namijenjena za daljnju prodaju, prijavljuje se za carinski postupak puštanja robe u slobodan promet (u daljnjem tekstu: postupak puštanja u slobodan promet) u carinskoj ispostavi: Gradiška, Tuzla, Dobo, Sarajevo i Mostar u slučaju:
 - 1) kada je ta roba porijeklom iz azijskih i afričkih država, osim država sa kojima Bosna i Hercegovina ima zaključene međunarodne ugovore o slobodnoj trgovini, bez obzira iz koje se države uvozi,
 - 2) kada se ta roba uvozi iz država sa kojima Bosna i Hercegovina ima zaključene međunarodne ugovore o slobodnoj trgovini, a za koju nije predložen ili podnijet dokaz o njenom preferencijalnom porijeklu ili je roba bez oznake porijekla ili je nepoznatog porijekla.
3. Tačka 2. ove naredbe primjenjuje se na pošiljke robe bruto mase preko 1000 kilograma pri ulasku u carinsko područje Bosne i Hercegovine (u daljnjem tekstu: carinsko područje).
4. Ako se radi o kombiniranoj pošiljci koja pri ulasku u carinsko područje, pored druge robe, od ukupne bruto mase cjelokupne pošiljke sadrži 1000 kilograma bruto mase robe iz tačke 2. ove naredbe, carinski referat na ulaznom graničnom prijelazu (u daljnjem tekstu: ulazni carinski ured) istu upućuje u carinsku ispostavu iz tačke 2. ove naredbe. Kombiniranom pošiljkom smatra se cjelokupna pošiljka (sva roba) koja se, pri ulasku u carinsko područje, prevozi u jednom prijevoznom sredstvu, a koja, pored druge robe, sadrži i robu iz tačke 2. ove naredbe.
5. Prijavljivanje robe za postupak puštanja u slobodan promet kod carinskih ispostava iz tačke 2. ove naredbe nije obavezujuće za uvoznika koji kumulativno ispunjava sljedeće uvjete:
 - 1) nema neizmirenih dospelih finansijskih obaveza u pogledu indirektnih poreza, ostalih prihoda i taksi, koje je Uprava za indirektno oporezivanje (u daljnjem tekstu: UIO) nadležna naplaćivati prema propisima iz oblasti indirektnog oporezivanja, što se utvrđuje provjerom u odgovarajućim aplikacijama UIO kao što je: carinski informacioni podsistem ASYCUDA World, e-porezi, ISOP i druge,
 - 2) u posljednje tri godine nije kažnjavan za carinski prekršaj ili prekršaje novčanom kaznom u iznosu većem od 1.000,00 konvertibilnih maraka, niti mu je izrečena zaštitna mjera oduzimanja robe shodno Zakonu o carinskim prekršajima Bosne i Hercegovine ("Službeni glasnik BiH", broj 88/05) i Zakonu o carinskim prekršajima Bosne i Hercegovine ("Službeni glasnik BiH", broj 28/22), te nije kažnjavan za prekršaj ili prekršaje propisane Zakonom o porezu na dodanu vrijednost ("Službeni glasnik BiH", br. 9/05, 35/05, 100/08, 33/17, 46/23 i 80/23) novčanom kaznom u iznosu većem od 1.000,00 konvertibilnih maraka, što se utvrđuje provjerom u službenim evidencijama koje se vode u UIO kao što je: baza prekršajnih podataka, RNKiPE i druge,


- 3) u posljednje tri godine deklarirao je transakcijske vrijednosti robe iz tačke 2. ove naredbe koje nisu izazivale sumnju u realnost istih, odnosno koje su bile prihvaćene pri utvrđivanju carinske vrijednosti te robe, što se utvrđuje uvidom u sedmične izvještaje o carinjenju robe iz tačke 2. ove naredbe,
 - 4) nije prijavljivao za stavljanje u carinske postupke ili u bilo koje drugo carinski odobreno postupanje ili upotrebu robu za koju je utvrđena povreda prava intelektualnog vlasništva, što se utvrđuje uvidom u aplikaciju INES ili u dostavljenoj informaciji od strane Odsjeka za zaštitu intelektualnog vlasništva, zabrane i ograničenja.
6. Uvoznik koji želi koristiti izuzeće iz tačke 5. ove naredbe, prije prispjeća pošiljke, podnosi pisani zahtjev šefu carinske ispostave nadležne prema mjestu njegovog sjedišta, koji nakon provjere i ocjene ispunjenosti uvjeta iz tačke 5. ove naredbe, u roku od 15 dana od dana podnošenja zahtjeva, zabilješkom na podnijetom zahtjevu donosi odluku o odobravanju tog izuzeća, koja važi šest mjeseci od dana donošenja.
7. U slučaju ispunjavanja uvjeta za korištenje izuzeća iz tačke 5. ove naredbe, a po dobijanju odluke iz tačke 6. ove naredbe, prijavljivanje robe za postupak puštanja u slobodan promet, prema izboru uvoznika, vrši se kod carinske ispostave nadležne prema mjestu sjedišta uvoznika ili kod carinske ispostave iz tačke 2. ove naredbe.
8. Tačka 2. ove naredbe, u pogledu carinskih ispostava navedenih u toj tački, ne primjenjuje se na:
- 1) robu koja se prevozi u međunarodnom vazdušnom saobraćaju. U tom slučaju roba se prijavljuje za postupak puštanja u slobodan promet carinskoj ispostavi na međunarodnom bh. aerodromu na koji je sletio vazduhoplov kojim je roba dopremljena u carinsko područje, osim ako deklarant zahtijeva da se roba, radi prijavljivanja za postupak puštanja u slobodan promet, uputi (po postupku provoza) u carinsku ispostavu iz tačke 2. ove naredbe,
 - 2) robu koja se prevozi u međunarodnom željezničkom saobraćaju. U tom slučaju ista se prijavljuje za postupak puštanja u slobodan promet kod određene carinske ispostave na čijem se području nalazi određena željeznička stanica na koju je roba dopremljena, osim ako deklarant zahtijeva da se roba, radi prijavljivanja za postupak puštanja u slobodan promet, uputi (po postupku provoza) u carinsku ispostavu iz tačke 2. ove naredbe,
 - 3) robu koja je namijenjena za unutrašnju obradu, neovisno od vrste saobraćaja u kojem se roba unosi u carinsko područje. U tom slučaju roba se, po postupku provoza (osim ako se radi o situaciji u kojoj se u ulaznom carinskom uredu ne podnosi provozna deklaracija), upućuje prijavnoj carinskoj ispostavi navedenoj u odobrenju za postupak unutrašnje obrade. Carinska deklaracija za novo (sljedeće) carinski odobreno postupanje ili upotrebu kojim se završava (razdužuje) postupak unutrašnje obrade podnosi se otpusnoj carinskoj ispostavi navedenoj u odobrenju za postupak unutrašnje obrade,
 - 4) robu koja je namijenjena smještaju u carinsko skladište (o čemu uvoznik daje pisanu izjavu ulaznom carinskom uredu), neovisno od vrste saobraćaja u kojem se roba unosi u carinsko područje. U tom slučaju roba se, po postupku provoza (osim ako se radi o situaciji u kojoj se u ulaznom carinskom uredu ne podnosi provozna deklaracija), upućuje prijavnoj carinskoj ispostavi navedenoj u odobrenju za držanje carinskog skladišta. Carinska deklaracija za novo (sljedeće) carinski odobreno postupanje ili upotrebu kojim se završava (razdužuje) postupak carinskog skladištenja podnosi se otpusnoj carinskoj ispostavi navedenoj u odobrenju za držanje carinskog skladištenja,
 - 5) robu koja se prijavljuje za postupak puštanja u slobodan promet za vrijeme trajanja odluke o proglašenju stanja prirodne ili druge nesreće na teritoriji Bosne i Hercegovine, a koja je namijenjena za potrebe prevencije, suzbijanja i otklanjanja epidemija i drugih nesreća ili prirodnih nepogoda,
 - 6) robu koja se smješta u slobodnu zonu, s tim da se ta roba, nakon takvog smještaja prijavljuje za postupak puštanja u slobodan promet kod carinske kancelarije koja je nadzorna za slobodnu zonu koja je u pitanju,
 - 7) robu koja predstavlja reprodukcioni materijal, sirovine i opremu za proizvodnju (o čemu uvoznik daje pisanu izjavu ulaznom carinskom uredu i carinskoj ispostavi kod koje će prijaviti robu nakon postupka provoza),
 - 8) robu uvoznika koji je imalac odobrenja za kućno uvozno carinjenje za postupak puštanja u slobodan promet,
 - 9) robu originalnih robnih žigova, registriranih u UIO za zaštitu prava na žig ili originalnu robu koja uživa međunarodnu zaštitu prava intelektualnog vlasništva, što se utvrđuje uvidom u Spisak odobrenja

za preduzimanje carinskih mjera zaštite intelektualnog vlasništva za registrirane žigove u UIO ili uvidom u javno dostupne podatke o međunarodno zaštićenim žigovima.

9. Uvoznik koji je obuhvaćen tačkom 8. ove naredbe, a za kojeg se, kontrolom u provođenju carinskog postupka, utvrdi da je kažnjavan za prekršaje kako je navedeno u tački 5. alineja 2) ove naredbe, ne može koristiti izuzeće iz tačke 8. alineja 6) do 9) ove naredbe u narednom periodu od godinu dana počev od dana kontrole.
10. Vaganje robe iz tačke 2. ove naredbe vrši se prilikom ulaska robe u carinsko područje u ulaznom carinskom uredu u kojem se podnosi provozna deklaracija, i u kojem je instalirana kolska vaga i ista je u funkciji, a vagarski list se upisuje u polje "priložena dokumenta" provozne deklaracije i isti se prilaže uz provozni prateći dokument. Vaganje je obavezno za sve robe iz tačke 2. ove naredbe, neovisno da li se može koristiti izuzeće iz tač. 5. i/ili 8. ove naredbe. U slučaju kada se, prilikom ulaska robe u carinsko područje, u ulaznom carinskom uredu ne podnosi provozna deklaracija, a po zahtjevu deklaranta roba se prijavljuje za odgovarajuće carinsko odobreno postupanje ili upotrebu kod carinske ispostave koja mjere carinskog nadzora obavlja na carinskom terminalu koji za tu namjenu koristi i ulazni carinski ured, vaganje vrši carinska ispostava.
11. U carinskoj ispostavi iz tačke 2. ove naredbe, carinskoj ispostavi nadležnoj prema sjedištu uvoznika u slučaju iz tačke 6. ove naredbe i carinskim ispostavama nadležnim u slučajevima izuzeća navedenim u tački 8. ove naredbe, u kojima je instalirana kolska vaga i ista je u funkciji, vrši se kontrolno vaganje prijavljene robe.
12. Uz carinsku deklaraciju kojom je roba iz tačke 2. ove naredbe prijavljena za postupak puštanja u slobodan promet, neovisno kod koje od nadležnih carinskih ispostava navedenih u tački 11. ove naredbe, prilažu se dokumenta za navedeni postupak propisana članom 149. Odluke o provođenju Zakona o carinskoj politici u Bosni i Hercegovini ("Službeni glasnik BiH", br. 13/19, 54/19, 21/20, 47/21, 49/21, 4/22, 23/22 i 6/23), provozni prateći dokument ili drugi dokument koji je korišten za postupak provoza (npr. TIR, CIM, ATA), vagarski list ulaznog carinskog ureda i vagarski list carinske ispostave za vaganje ili kontrolno vaganje robe, kada je izvršeno vaganje robe.
13. Carinska deklaracija kojom je roba iz tačke 2. ove naredbe prijavljena za postupak puštanja u slobodan promet, neovisno kod koje od nadležnih carinskih ispostava navedenih u tački 11. ove naredbe, podliježe selektivitetu, zasnovanom na analizi rizika, putem modula selektiviteta u carinskom informacionom podsistemu za obradu uvoznih i izvoznih carinskih deklaracija ASYCUDA World, u skladu sa propisima koji reguliraju postupak određivanja kriterija selektiviteta za carinske informacione pod sisteme UIO.
14. Kada je, od strane modula selektiviteta u ASYCUDA World ili lokalne analize rizika, preporučen pregled robe prijavljene po predmetnoj carinskoj deklaraciji iz tačke 13. ove naredbe, u tom slučaju postupajuća nadležna carinska ispostava obavlja potpun pregled robe i sačinjava zapisnik o pregledu robe.
15. Postupak puštanja u slobodan promet robe iz tačke 2. ove naredbe postupajuća nadležna carinska ispostava iz tačke 11. ove naredbe provodi u skladu sa važećim carinskim i drugim propisima primjenjivim na navedeni postupak i robu prijavljenu za taj postupak. U provođenju tog postupka, u provjeri prihvaćene carinske deklaracije, shodno dodijeljenoj traci selektiviteta od strane modula selektiviteta u ASYCUDA World predmetnoj deklaraciji ili lokalne analize rizika, posebnu pažnju obratiti na priložena dokumenta, carinsku vrijednost, tarifnu oznaku, porijeklo, količinu robe u jedinici mjere, paritet i povredu prava intelektualnog vlasništva.
16. Sektor za provođenje propisa može se uključiti u provođenje ove naredbe u okviru svoje nadležnosti.
17. Stupanjem na snagu ove naredbe prestaje važiti Naredba o nadležnosti carinskih ispostava za carinjenje određene robe porijeklom iz azijskih i afričkih zemalja broj: 01-02-2-1508/15 od 17.08.2015., 01-02-2-1508-7/15 od 03.09.2015., 01-02-2-1508-14/15 od 18.09.2015., 01-02-2-189-10/17 od 20.07.2017. i 01-02-2-1082/20 od 07.04.2020. godine.

18. Ova naredba stupa na snagu 15. januara 2025. godine i ista se objavljuje na Web stranici UIO: www.uino.gov.ba u dijelu pod nazivom "Propisi".

Broj: 01-02-2-1648- 3 /24
Banja Luka, 05/01, 2025 godine



DIREKTOR

Zoran Tegeltija
Dr. Zoran Tegeltija